

Invitasjon til KONFIRMASJON i Hustadvika 2021/2022

~ Bud ~ Eide ~ Hustad ~ Myrbostad ~ Vågøy ~



DEN NORSKE KIRKE

Hustadvika kyrkjelege fellesråd



Hei, du som er fødd i 2007 og er medlem i Den norske kyrkja. Du inviterast med dette til konfirmasjon i Hustadvika!



Midt i ei verd som er litt annleis enn det vi er van med, sender vi ut invitasjon til neste års konfirmasjonar. Sjølv om mange ting er usikkert, veit vi at vi skal ha konfirmantar også neste år. For mange er det ei sjølvfølgje å velje konfirmasjon i kyrkja, andre må tenkje meire over det. Vel du å vere konfirmant her håpar vi på å gje deg litt nyttig «bagasje» som du kan ha med deg vidare gjennom livet. Det vi ønskjer av deg som konfirmant er at du er motivert for å lære meir om den kristne trua og at du deltek aktivt i opplegget vi har.

Val av konfirmasjon handlar ikkje først og fremst om kva for svar du har funne, men om kva for spørsmål du har. I kyrkja er det rom for både tvil og tru, usikkerheit, undring og ulike meiningar.



Foto: Von/Kirkerådet



Dette er konfirmantopplegget i Hustadvika:

- 7 temasamlingar.
- Pilegrimsvandring.
- Konfirmantleir på Frænabu.
- Kirkens Nødhjelps fasteaksjon (årleg innsamlingsaksjon i regi av Kirkens Nødhjelp).
- 8 gudstenester mellom anna: Lysmesse, presentasjons-, samtale- og konfirmasjonsgudsteneste.

Temasamlingane er på ettermiddag/kveldstid i kyrkja/på bedehus.

I Myrbostad og Eide kyrkje deler vi dykk i fleire grupper sidan det er store kull. *Myrbostad og Eide*: vel kva tidspunkt som passar best ved påmelding.

Konfirmanttid for alle!

Vi vil at konfirmanttida skal vere for alle, uansett!

Er du redd for at du ikkje passer inn? Det gjer du!

Men nokon treng kanskje litt ekstra tilrettelegging, og da er det fint om de seier kva vi kan gjere for at konfirmanttida skal bli best mogleg for deg.

SJEKK UT

#KONFIRMANTENE PÅ



Dåp og konfirmasjon

Konfirmasjon betyr å bekrefte. Når du vel kristen konfirmasjon blir løfta du fekk gjennom dåpen bekrefte:

- At du er omslutta av Guds kjærleik
- At du er ein del av kyrkja

Er du ikkje døypt? Du er velkomen til å delta i konfirmantopplegget sjølv om du ikkje er døypt, men dåpen er ein føresetnad for å delta i den avsluttande forbønns gudstenesta. Du kan bruke konfirmasjonstida til å sjå om du vil bli døypt og konfirmert.

For påmelding:

→ Vi har elektronisk påmelding: Gå inn på heimesida vår, kirkaihustadvika.no og klikk på konfirmant (meny øvst på sida). **Påmeldinga opnar 1. juni kl. 17.** Det er først-til-mølla-prinsippet for å få den konfirmasjonsdagen ein ønskjer seg. Vi sett pris på om konfirmanten er påmeldt **innan 15. juni.**

→ Det er viktig at dei telefonnummera og e-postadressene de skriv inn er rett og i bruk, då vi brukar dei til å sende ut informasjon i løpet av året.

→ Har du IKKJE høve å gå inn på nettet, men treng påmeldingsskjema som du fyller ut manuelt, ta kontakt med kyrkjekontoret.

→ Konfirmantavgifta blir satt når vi får klargjort kva som skjer med leir i løpet av konfirmanttida. Den har tidlegare vore ca. **kr. 1250,-**. Den er med på å dekkje leir og materiell konfirmantane får. Om det er vanskeleg å betale, har vi ordningar for støtte gjennom sokneråda. Ta kontakt.

→ I løpet av konfirmanttida må foreldre rekne med å stille opp som vakt på konfirmantleir, kakebaking, køyring på fasteaksjon, hjelpe til med kappeprøving eller anna.

Har de spørsmål?

Stikk innom på kyrkjekontoret

Opningstid: tysdag 12-15, onsdag og torsdag 10-15

Ring 71 26 66 70

Eller send ein e-post til

kyrkjekontoret@hustadvikamenighet.no

Følgjande program er på plass for konfirmantåret:

Det kan bli nokre endringar med tanke på Covid-19. Resten av programmet får de vite meir om undervegs.

Kva	Bud	Hustad	Vågøy	Myrbostad	Eide
Opningssamling m/ infomøte for både konf. og foreldre	Veke 42	Veke 42	Veke 37 eller 38	Veke 37 eller 38	2. sept kl. 18
Presentasjonsgudsteneste (og pilegrimsvandring)	24. okt	24. okt	19. eller 26. sept	19. eller 26. sept	24. okt
Lysmesse	28. nov	28. nov	5. des	5. des	28. nov
Fasteaksjon	Felles for alle: 5. april				
Konfirmasjon	7. og 8. mai	26. mai	8. mai	14. og 15. mai	7. mai kl. 11 og 13. 8. mai kl. 11

Vi håpar å få eit fint år saman med deg - der du kan bli betre kjend med deg sjølv, kvarandre, Gud og kyrkja.

Velkommen som konfirmant!



KONFIRMAN*

2022

kirkaihustadvika.no

Tips en venn som ikke har fått invitasjon om konfirmasjon!